

Zakon o visokom obrazovanju TK-a nije u skladu s državnim



Ustavni sud BiH je utvrdio da odredbe Zakona o visokom obrazovanju Tuzlanskog kantona koje propisuju način izbora rektora, te privremenih rukovodnih i upravnih organa Univerziteta u Tuzli nisu u skladu s Okvirnim zakonom o visokom obrazovanju u BiH. Skupština Tuzlanskog kantona mora, u sljedećih šest mjeseci, uskladiti kantonalni s državnim zakonom, vratiti autonomiju Univerzitetu i onemogućiti bilo kakve političke utjecaje na izbor akademskih tijela.

Ustavni sud BiH je zaključio da Zakon o visokom obrazovanju Tuzlanskog kantona nije u skladu s Okvirnim zakonom o visokom obrazovanju u BiH. Prema državnim zakonu rektora bira senat, a kantonalni zakon definiše da rektor ne može biti izabran bez saglasnosti Upravnog odbora. Također, s državnim zakonom nije usklađena ni izmjena i dopuna kantonalnog zakona, kojom je propisan izbor privremenih, svih rukovodnih i upravnih organa.

– Rektora je birao Upravni odbor, davao saglasnost. Rektora više neće birati Upravni odbor niti će davati saglasnost, nego će rektora birati Senat – navodi Žarko Vujović, predsjednik Skupštine TK-a (Bh. socijaldemokrati).

Sporne zakonske odredbe su omogućile Samiru Nuriću da postane rektor Univerziteta u Tuzli i da bude ekspresno smijenjen.

– Izmjenama zakona su smijenjeni organi Univerziteta poslije kojeg sam ja imenovan, a i moje razrješenje slijedilo je po istom mehanizmu – navodi Nurić.

– Odlukom Ustavnog suda je potvrđeno da je zaista dolazilo do miješanja tzv. političkih autoriteta i ekonomskih centara moći u rad Univerziteta u Tuzli, odnosno, zadiranjem i kršenjem temeljnih principa na kojima ova visokoobrazovna ustanova počiva – objašnjava Dženeta Omerdić, profesorica na Pravnom fakultetu Univerziteta u Tuzli.

Implementacija presude Ustavnog suda, odnosno, usklađivanje kantonalnog sa državnim zakonom moglo bi

dovesti do izbora novog menadžmenta Univerziteta u Tuzli.

– Ova odredba nije u skladu sa zakonom, nije u skladu s Ustavom BiH ni s Okvirnim zakonom i njega treba mijenjati i onda kompletnu proceduru provesti sa zakonom koji je usklađen s Ustavom BiH i Okvirnim zakonom – navodi Vujović.

– Po ustaljenoj proceduri, izmjenom zakona treba sve ono što nije u skladu s Okvirnim zakonom resetovati i vratiti u okvire Okvirnog zakona o visokom obrazovanju. Ovakva vrsta upada i ukidanja autonomije je neprihvatljiva i pokazalo se da je to poražavajuće za Univerzitet i akademsku zajednicu – ističe Nurić.

– Zadatak Kantonalne skupštine je da revidira i izmijeni sve nelogičnosti koje evidentno postoje u sadašnjem Zakonu o visokom obrazovanju. To se ne tiče samo izbora inokosnih organa, kada je u pitanju rektor, dekani i ostali inokosni funkcioneri, nego i Senat koji predstavlja najviši izborni organ, koji je isključivo nadležan za akademska pitanja – napominje Omerdić.

Sporne odredbe kantonalnog zakona su u suprotnosti i s Bolonjskom deklaracijom koju je naša država dužna da primjenjuje na osnovu Sporazuma o stabilizaciji i pridruživanju s EU.

Kontaktirali smo i aktualnu rektoricu Univerziteta u Tuzli Nerminu Hadžigrahić, ali se ona nije javljala na naše telefonske pozive.(ftv,tl)

60

SHARES

[_ Share on Facebook](#)

[_ Tweet](#)

-

-

[Follow us](#)

-

[_ Share](#)

-

[_ Share](#)

-

[_ Share](#)

-

[_ Share](#)

-

[_ Share](#)

Date: 18-08-2019